

ایمام هادی نین (ع) فضیلتی

قل اولوب کی خلیفه متوکل یانیندا، ایمام هادینی (ع) سعایت ائله دیلر کی اونون ائوینده سلاح و آیری زادلار وار کی حکومت علئیهینه قیام ائله ماغا حاضیرلاشیر.

نقل اولوب کی خلیفه متوکل یانیندا، ایمام هادینی (ع) سعایت ائله دیلر کی اونون ائوینده سلاح و آیری زادلار وار کی حکومت علئیهینه قیام ائله ماغا حاضیرلاشیر. متوکل بو یالانا اینانیب بیر عیّده نی بوللور کی او حضرتین ائوینی آخارسینلار. مأمورلار گنجه یاریسی او حضرتین ائوینه هجوم آپاردیلار آما بیر شئی تاپا بیلمه دیلر. ایمامی بیر اوتاقدا تک تاپدیلار کی یون پالتار گنیب و دؤشمه سی قوم اولان بیر یترده اوتوروب و عیبادته مشغولدور.

ایمامی همن وضعیتده خلیفه نین یانینا آپاریب دندیلر: ائوینده بیر شئی تاپانمادیق و اونو اوزو قیبله یه و فورآن اوخویان حالدا گۆردوق.

متوکل ایمامی گۆرن لحظه، ایمامین عظمتی اونو توتدو و ایختیارسیز او حضرته احترام ائله دی و اؤز یانیندا اوتورتدو و الینده کی شراب شوشه سیندن اونا تعارف ائله دی ! ایمام آند ایچیب و بویوردو: منیم قان و اتیمه بنله بیر شئی قاریشماییب، منی معاف ائله ! خلیفه ال چکدی و دندی: شعر اوخو !

ایمام بویوردو: من چوخ شعر ازیر دنیلیم.

آما خلیفه ایصرار ائتدی کی گرک اوخویاسان.

ایمام بو مضموندا بیر شعر اوخودولار: «(موقتدیر حاکیملر) داغلار باشیندا گنجه نی گونوز ائله دیلر بیر حالدا کی گوجلی کیشیلر اوندان موغایات اولوردولار، آما داغ باشلاری اونلاری (اؤلومدن) قورتارا بیلمه دی.

اونلار ایللر بویو عیّزتدن سونرا، امن یئرلریندن آشاعی چکیلدیلر و قبیرلرینه یئرلشدیلر، نه پیس ائو و نه پیس آرامگاه !

تورپاغا تاپیشیریلاتدان سونرا، موندایدن بیر نیدا گلدی: هاردادی او فاخیر تختلر، تاجلار و پالتارلار؟ هاردادی ناز نعمته بسلمیش اوزلر کی اونلارین احتیرامینا پرده لر آسیلاردی؟

قبیرلر اونلارین یئرینه دئیهرلر: ایندی یئر قوردلاری او اوزلرین ینمه سی اوستونده ساواشیرلار !

اونلار اوزون مودّت یئر اوزونده یئییب ایچدیلر؛ آما بوگون او هر شئی یئیه نلرین اؤزلری حشره لرین و قوردلارین خورگی اولوبلار !

نه ائولر دوزلتدیلر کی اونلاری قوروسون، آما نهایتده بیر مودّت سونرا، بو ائولر و خانوادهلری ترکدیب قبر ائوینه قاچدیلار !

نه ماللار انبار ائله دیلر، آما اونلاری ترکدیب گئتدیلر و اونلاری دوشمنلرینه بوراخدیلار !

اونلارین آباد ائولری و سارایلاری خرابایا چئوریلدی و ساکینلری قارانیلق قبیرلره گئتدیلر !»

متوکل چالیشدی کی جماعت یانیندا ایمامین مقام و موقعیتینی یئندیرسین آما ایشلر اونون ضررینه و ایمامین نفعینه قورتولدو.

